



Na osnovu člana V tačke 2) podtačke (a) Ustava Bosne i Hercegovine, člana 52. Poslovnika o radu Predsjedništva BiH („Službeni glasnik BiH“, br. 10/13, 32/13 i 22/14) Predsjedništvo Bosne i Hercegovine, na 71. vanrednoj sjednici, održanoj 6. augusta 2024. godine, usvojilo je

**IZMJENE I DOPUNE
POSLOVNIKA O RADU
PREDSJEDNIŠTVA BOSNE I HERCEGOVINE**

Član 1.

U Poslovniku o radu Predsjedništva Bosne i Hercegovine („Službeni glasnik BiH“, br. 10/13, 32/13, 22/14), u članu 18. u stavu (3) iza broja 23. dodaju se riječ i broj: „i 23 a.“

Član 2.

Iza člana 23. dodaje se novi član 23 a. koji glasi:

„Član 23 a.

(Vanredna sjednica putem telekomunikacionih sredstava)

1. Izuzetno, Predsjedništvo može održati vanrednu sjednicu i putem telekomunikacionih sredstava, usljed vanrednih okolnosti: više sile, odnosno događaja koji se nisu mogli predvidjeti; prirodne nepogode (zemljotresi, požari i poplave velikih razmjera, suše, obilne padavine, vjetrovi sa štetama velikih razmjera); druge katastrofe (u rudniku, na hidrološkom objektu, u zračnom prometu, kopnenom i vodenom prostoru); krize u oblasti javnog zdravstva, kao što su pandemije; posebne okolnosti i opasnosti po sigurnost građana i sigurnost države.
2. Predsjedavajući Predsjedništva saziva vanrednu sjednicu putem telekomunikacionih sredstava odmah po ukazanoj potrebi, dostavljajući odgovarajuću obavijest po generalnom sekretaru kabinetima članova Predsjedništva. Sjednica se na ovaj način može održati ako su s tim saglasni svi članovi Predsjedništva.
3. Poziv i materijali za sjednicu se dostavljaju po generalnom sekretaru, telekomunikacionim sredstvima, kabinetima članova Predsjedništva.
4. Članovi Predsjedništva svoje izjašnjenje dostavljaju kabinetu predsjedavajućeg i generalnom sekretaru putem telekomunikacionih sredstava.
5. Poziv za sjednicu, materijali, saglasnost za održavanje i izjašnjenja članova Predsjedništva sa sjednice održane putem telekomunikacionih sredstava štampaju se i čuvaju u arhivu Predsjedništva.“

Član 3.

U članu 30. u st. (4), (5) i (6) riječ „dan“ zamjenjuje se riječima „dva dana“.

Član 4.

Ove izmjene i dopune Poslovnika o radu Predsjedništva Bosne i Hercegovine stupaju na snagu osmog dana od dana objavljivanja u „Službenom glasniku BiH“.

Broj: 01-50-1-2062-2/24
Sarajevo, 6. augusta 2024. godine


PREDSJEDAVAJUĆI
dr. Denis Bećirović